

KULTURPOSTEN

JUNI 2017

Informasjonsskriv frå kulturadministrasjonen i Radøy kommune



Frå Radøy rundt i robåt.
Foto: Keipane kystlag.



RADØY
den grøne øya

KULTURPOSTEN JUNI 2017

Rullering av handlingsprogram i kommunedelplan for idrett, friluftsliv og nærmiljø 2016-2026

Kommunedelplan for idrett, friluftsliv og nærmiljø vart vedtatt i 2016. Denne planen legg føringar for kommunen sine satsingar innan idrett, friluftsliv og nærmiljø, og er i tillegg styrande for korleis kommunen skal prioritera innkomne søknader om spelemidlar.

Handlingsplanen skal rullerast årleg. I forkant av denne rulleringa ber me om innspel til handlingsplanen. Er det nye anlegg som bør inn i planen? Kva for anlegg bør prioriterast høgast? Er det andre tiltak, utanom utbygging av anlegg, som kommunen bør gjennomføra innan idrett, friluftsliv og nærmiljø?

Innspel til handlingsplanen kan sendast Radøy kommune, Radøyvegen 1690, 5936 Manger eller på e-post til postmottak@radoy.kommune.no innan 15. juni.

Kommunedelplan for idrett, friluftsliv og nærmiljø kan lesast her:
<http://www.radoy.kommune.no/planar-og-styringsdokument-a-a.315712.nn.html>



Kulturdagane 2018

Kulturdagane 2018 vert dei siste kulturdagane som vert arrangerte i Radøy kommune. Kulturdagane dette året vert arrangert i perioden 20.-29. april.

Set av datoane i kalenderen, og begynn gjerne å tenka om ditt lag har noko de ynskjer å bidra med. Me kjem til å invitera til eit planleggingsmøte i september.

Momskompensasjon - generell ordning

Lotteri- og stiftelsestilsynet skal fordela 1,3 milliardar kroner til frivillige lag og organisasjoner i 2017. Desse pengane skal kompensera for kostnader som frivillige organisasjoner har hatt til meirverdiavgift i 2016. **Søknadsfristen er 1. september.**

Les meir om ordninga i vedlagt brev frå Lotteri- og stiftelsestilsynet og på nettsidene deira
<https://lottstift.no/tilskotsordningar/om-momskompensasjon-generell-ordning/>

KULTURPOSTEN JUNI 2017

Tilskotsordningar

Leiaropplæring (Radøy kommune)

Det kan gjevast støtte til lag og organisasjonar til å dekka utgifter til relevante kurs for leiarar, styremedlemer, trenarar og instruktørar i laget. Med relevante kurs meiner ein at kurset skal ha tilbakeføringsverdi til laget. Søknadsfrist heile året.

For meir informasjon, sjå <https://radoy.custompublish.com/kulturmildlar>

Prosjekt- og aktivitetsstøtte (Radøy kommune)

Tilskot kan gjevast til opne kulturarrangement og -prosjekt, og til innkjøp av utstyr. Arrangement og prosjekt som er nyskapande, vert prioriterte. Tilskotet er behovsprøvd og kan gjevast som underskotsgaranti eller direkte tilskot.

For meir informasjon, sjå <https://radoy.custompublish.com/kulturmildlar>

Gjensidigestiftelsen

Gjensidigestiftelsen deler ut midlar til lag og organisasjonar som er registrerte i Brønnøysundsregisteret. Dei støtter tiltak innanfor meistring, trygleik og læring, sosial inkludering og mangfold, fysisk aktivitet og kosthand. Søknadsfrist er 15. september. Les meir på:
<http://www.gjensidigestiftelsen.no/>



Balanselina som er sett opp ved ungdomsskulen er støttet av Gjensidigestiftelsen.

Hordaland fylkeskommune

Hordaland fylkeskommune si tilskotsordning «Tilskot til kulturtiltak – amatør» og «Tilskot til kunstprosjekt og kulturtiltak – profesjonell» har søknadsfrist 1. september.

Les meir om desse og andre tilskotsordningar på <http://www.hordaland.no/nn-NO/tilskot/>.

Turskiltprosjektet

Hordaland fylkeskommune har varsla at det vert ein ekstra søknadsrunde for turskiltprosjektet i 2017. Søknadsfrist vert 15. september. Les meir på: <http://www.hordaland.no/nn-NO/idrett-og-friluftsliv/friluftsliv/turskiltprosjektet/>

Statsskogmillionen

Statsskog har oppretta ei støtteordning som går til friluftsliv og tiltak i naturen. Søknadsfrist er 20. juni. Les meir på: <https://statsskogmillionen.no>

KULTURPOSTEN JUNI 2017

Kulturprisen 2017

Kulturprisen vert gjeven til einskildpersonar, grupper, organisasjonar og lokale institusjonar for aktivt, frivillig kulturarbeid over lang tid. Profesjonelle kulturarbeidrarar som driv kulturverksemd på nasjonalt nivå, eller som gjennom særskilt gode einskildprestasjonar har utmerka seg, kan også få kulturprisen. Her skal det leggjast vekt på om arbeidet eller prestasjonane gjev positive ringverknader lokalt. Kulturprisen skal ikkje tildelast landsomfattande organisasjonar/institusjonar og heller ikkje personar tilsette i slike organ. Den eller dei som får kulturprisen skal bu eller verka i Radøy kommune. Ingen einskildperson kan få prisen meir enn ein gong.

Forslag til kulturprismottakarar kan fremjast av innbyggjarar eller lag og organisasjonar heimehøyrande i Radøy kommune. Forslaga skal vera grunngjevne.

Frist for å koma med framlegg på kandidatar er sett til 25. august. Framlegga skal sendast Radøy kommune, Radøyvegen 1690, 5936 Manger eller på e-post til postmottak@radoy.kommune.no



Kulturprisen 2016 vart tildelt Torstein Aagaard-Nilsen.



RADØY KOMMUNE
Kultur- og sørivistorget